



Húnaþing vestra

Hvammstangabraut 5 • 530 Hvammstangi
Sími 455 2400 • Fax 455 2409
www.hunathing.is • Kt. 540598-2829

Umhverfissráðuneytið
Skuggasundi 1-3
150 Reykjavík

Hvammstangi, 5. desember 2019
Tilvísun: 1812025

Efni: Umsögn byggðarráðs Húnaþings vestra um áform um frumvarp til laga um Hálendisþjóðgarð, mál nr. 290/2019 í samráðsgátt stjórnvalda.

Á 1024. fundi byggðarráðs Húnaþings vestra þann 2. desember 2019 var eftirfarandi fært til bókar við 11. lið:

Áform um frumvarp til laga um Hálendisþjóðgarð.

Lögð fram eftirfarandi bókun:

„Byggðarráð Húnaþings vestra hvetur stjórnvöld eindregið til þess að leggja til hliðar fyrirbyggjandi áform um lagasetningu vegna stofnunar þjóðgarðs á miðhálandi Íslands.

Byggðarráð bendir á að fjölmörg sveitarfélög hafa gert verulegar athugasemdir við eða hafnað alfarið framkomnum tillögum nefndar um stofnun þjóðgarðs á miðhálandinu, sem kynntar hafa verið í samráðsgátt stjórnvalda.

Byggðarráð Húnaþings vestra ítrekar að samkvæmt lögum er skipulagsvald, þ.e. vinnsla og samþykkt svæðis- aðal- og deiliskipulags á höndum sveitarfélaga. Það er því ekki í verkahring ráðherraskipaðar nefndar, ráðherra eða Alþingis að hafa með beinum hætti áhrif á skipulag sveitarfélaga með því að gera tillögu að legu þjóðgarðs á miðhálandinu innan marka þeirra.

Þá leggur byggðarráð Húnaþings vestra áherslu á að hugmyndir um stofnun eins heildstæðs þjóðgarðs á miðhálandi Íslands geti ekki raungerst nema í víðtækri sátt við sveitarfélögin í landinu.“

Tillagan borin undir atkvæði og samþykkt með þremur atkvæðum.

Virðingarfyllst,

Ragnheiður Jóna Ingimarsdóttir, sveitarstjóri.